

アイヌタイムズ 2000年（平成12年）3月20日 月曜日 第13号

アイヌタイムズ

第13号

.....
札幌雪祭り

Satporo Yuki-Maturi

.....

アイヌモシッタ イヨッタ ア・エラ
マン 冬祭り、ヘマンタ アン? 札幌
雪祭り ネ。タンパ アナクネ 札幌雪祭
り 51 スイ ネ ルウエ ネ。

1950 パ タ、札幌大通り公園 オッ
タ、札幌 ウン 中学生、高校生 ウタラ
イワン ウパシ ノカ カラ ワ、オロ
ワノ 雪祭り アン ルウエ ネ。1953
パ タ、オロ ウン 自衛隊 イヨロ
ッ ワ、ナア ポロ ノカ カン ルウ
エ ネ。

アシンノ テレビ 新聞 アニ ネア
雪祭り ア・ヌレ ワ、オヤパ ワノ
サモロモシリ ワ 観光客 インネ ノ
アラキ ワ、ハウエ ペプニタラ ルウ
エ ネ。ネワアン ペ クス、札幌雪祭
り 日本 オッタ シノ アスル アシ
雪祭り ネ ルウエ ネ。1972 パ
タ、札幌 タ オリンピック アン ク
ス、モシリ エピッタ 雪祭り ア・エラ
マン ルウエ ネ。

1974 パ タ、オイルショック ア
ン。ガソリン ア・ホク エアイカフ
ワ、トラック ア・オ ワ ウパシ ア・
ルラ エアイカフ クス、ウパシ ドラム
缶 ア・オマレ ワ ア・ルラ ヒネ、
ア・エライニンネ ワ ウパシ ノカ
ア・カン ルウエ ネ。1974 パ ワ
ノ、国際雪像コンクール アン ルウエ
ネ。オロワノ、ミュンヘン、シドニー、
ポーランド、札幌 ウウエカタイロツケ
コタン ウン ポロ チセ ネノ ア

aynumosir ta iyotta a=eraman *huyu-matu-*
ri, hemanta an? Satporo (*Sapporo*) *Yuki-*
maturi ne. tanpa anakne Satporo *Yuki-ma-*
turi 51 suy ne ruwe ne.

1950 pa ta, Satporo-*ôdôri-kôen* or ta,
Satporo un *tyûgakusei*, *kôkôsei* utar iwan
upas noka kar wa, orowano *Yuki-maturi* an
ruwe ne. 1953 pa ta, oro un *ziêtai* iyorot
wa, naa poro noka kar ruwe ne.

asinno *terebi sinbun* ani néa *Yuki-maturi*
a=nûre wa, oyapa wano samormosir wa
kankôkyaku inne no arki wa, hawe pepuni-
tara ruwe ne. néwaan pe kusu, Satporo *Yu-*
ki-maturi Nihon or ta síno asur as *Yuki-*
maturi ne ruwe ne. 1972 pa ta, Satporo ta
orinpikku an kusu, mosir epitta *Yuki-matu-*
ri a=eraman ruwe ne.

1974 pa ta, *Oirusyokku (oil crisis)* an.
gasorin a=hok eaykap wa, *torakku* a=o wa
upas a=rûra eaykap kusu, upas *doramukan*
a=omare wa a=rûra híne, a=erayninne wa
upas noka a=kar ruwe ne. 1974 pa wano,
Kokusai-setuzô-konkûru an ruwe ne. oro-
wano, *Myunhen*, *Sidonî*, *Pôrando*, Satporo
uwekatayrotke kotan un poro eise néno an

ン ウバシ ノカ ア・カン ルウエ
ネ。

タンバ、雪祭り オルン 200万 パク
ノ オカ ウタラ アラキ ルウエ ネ。
ウサ モシリ オロ ワ、ナア インネ
ウタラ アラキ ヤク ピリカ ワ。

upas noka a=kar ruwe ne.

tanpa, *Yuki-maturi* or un *200-man* pakno
oka utar arki ruwe ne. usa mosir or wa,
naa inne utar arki yak pirka wa.

[横山 裕之] 沙流・千歳